

Bunita presentacion di e buki: “De fijnste tijd van mijn leven: E miho parti di mi bida” di Lelicia Tromp

DIAHUEBS ultimo, den patio di Arubiana, e parti di Biblioteca Nacional cu ta keda den Bachstaat, Lelicia Tromp den presencia di masha hopi invitado, a presenta y batisa su buki titula: “De fijnste tijd van mijn leven: E miho parti di mi bida”.

Bao di e presentenan tabata su mayornan, Domi y Yvonne y su ruman muher tambe, Minister drs. Marisol Lopez Tromp.

Mike Willemse, conocido periodista di Corsow, ex Redactor en Hefe di Amigoe y awe

Director/Hefe di Redaccion di e corant Hulandes, Antiliaans Dagblad a ser invita pa haci e bautismo. Esaki como gratitud, ya cu Mike Willemse, tempo cu e tabata na Aruba, a habri porta pa Lelicia Tromp cuminsa scribi varios articulo den Amigoe.

Lelicia Tromp despues cu na 1996 a termina su estudio na Colegio Arubano, a bay Hulanda, unda el a studia na Katholieke Universiteit na Nijmegen, unda na 2003 a termina su estudio “Bedrijfscommu-

nicatie” cu éxito. Durante su aña estudiantil na Hulanda, Lelicia manera menciona, a cuminsa scirbi algun columna pa Amigoe.

Den su buki, Lelicia Tromp ta relata su experiencia, siendo un Hulandes/Caribense, pero cu a sa di integra den e cultura Hulandes. Y como ta comparti su experiencia y e comunicación intercultural.

Cu e buki aki, Lelicia Tromp ta spera di por inspira futuro estudiantenan na Hulanda, pero

tambe esnan cu a termina nan estudio, kico pa haci y kico no. Pasobra e tempo estudiantil, ta

un experiencia cu hopi di nos ta mira cu masha nostalgia. Lelicia pabien cu bo buki!!

